

Quod benè vertat Altissimus  
**COLLEGII ETHICI**

DISP. XIII. & ULTIMA

<sup>De</sup>

# AMICITIA

QUAM

In Regia ad Auram Universitate

SUB PRÆSIDIO

VIRI Nobilissimi atq; Consultissimi  
DN. MICHAELIS Gyllenstålpe  
WEXIONII, J. U. & Phil. D. pereximis;  
Jur. Polit. & Hist. P. P. celeberrimi,  
Præceptoris & promotoris sui  
summè devenerandi.

Liberalis exercitij ergo defen-  
dendam suscipit

In audit. sup: die Junij. 20. Ann. 1655

GRÆGORIUS GR. ARCTO-  
POLITANUS FINLANDUS.

A B O E

1655

---

Imprimebat Petrus Hahnson Acad. Typog.

VIRIS

Revrendis Venerabilibus & Doctissimis  
Dn. GREGORIO THOMÆ, infe-  
rioris Satakundiæ Præposito, Ecclesiarum  
Biörnburgensis & Blfzbyensis Pastori  
attentissimo, Patri suo charissimo.

Dn. MARTINO THOMÆ STE-  
NIO Pastori in Wesilaax dignissimo, pro-  
motori plurimum honorando.

Dn. ANDREÆ J. KECKONIO  
Arctopolitanae Scholæ Moderatori solertissi-  
mo Preceptor i ut à teneris optimo, sic debitâ  
observantia etatem colendo.

Dn. JACOBO LIGNIPOE O ejus-  
dem Scholæ Con-Rectori dexterrimo, Præ-  
ceptor i itidem optimè merito.

Dn. GEORGIONICOLAI Eccle-  
siae Dei qua Arctopoli colligitur Commi-  
nistro per assiduo fautori indubitatissimo.

Dn. THOMÆ B. RAIALENIO,  
Verbi divini in Hwittis Comministro per-  
industrio Evergetæ propensissimo.

Exercitio hoc Academicò indicium  
quoddam gratitudin, exhibere  
desiderat,

GREGORIUS ARCTOPOLITANUS

De  
**A M I C I T I A.**

THESIS. I.

**N**on pauci Ethicorum Aristotelis ductum sequti etiam, circa calcem potissimum, de Amicitia agere solent; Unde mox hic in simile hujus discursus quaestio oboritur; Anne id recte fiat nec ne? Pro Negativâ sic argumentari licuerit: *In Ethicis de virtutibus moralibus agendum est;* Sed Amicitia non est virtus Moralis; E. de ea in Ethicis non est agendum. Major est clara; Ethici enim præcipue & solius, in circulo Philosophico, est de moralibus virtutibus absolutè agere. Minor probatur: Affectus namq; potius est, virtutis frustus, inter externa bona connumeranda; inq; aliorum potestate; & paucis competens. *Vid, Fasc. quest. Eth. sect. 2. Memb. 7. q. II. E. Amicitia non est*

386 D. MICHAELIS GYLLENSTALPES  
virtus: Et per consequens nec Ethicæ  
considerationis.

2. *Affirmativa* hisce nititur  
fundamentis: Quod ad felicitatem fa-  
cit; in bono solummodo viro invenire est,  
adeoq; in actionibus humanis ducem rectam  
rationem sequi potest; Illud in Ethicis  
non planè negligendum. Sed *Amicitia*  
est talis. E. Major est manifesta; siqui-  
dem felicitas seu *Beatitudo* est totius Ethicæ  
finis & scopus generalis, quò omnia  
in illâ disciplinâ referenda. Nec ve-  
ra amicitia nisi inter bonos intercedit.  
In actionibus autem eam elucidere, rectâ-  
què ratione informari debere, cuivis in  
propatulo est, ideoq; etiam consequen-  
tē ab Ethico consideranda.

3. Ad Objectionem pro *Negati-*  
*vâ* in Thesi 1. allatam respondetur 1.  
Ad *Majorem*; In Ethicis non tantum de  
virtutib; sed etiam virtutum Causis,  
Objecto, Subiecto & fructu agendum  
esse. Deq; illis quæ aut virtutes sunt,

physica' s̄ ayto  
nisi. n̄ eth ay. j̄ fciu. d' fciu  
nt non c̄m.

aut virtuti maximè affinia: qualis est amicitia. 2. Ad *Minorem*, jam responsum est in Thesi secundâ; eam videlicet nec simpliciter veram esse, cum etiam sano sensu Amicitia virtus dici possit; Quatenus à rectâ ratione ex verbo Dei non tantum præcipitur, verum etiam dirigitur. *Conf. sup. cit. qu. II.* *Memb. 7. Sect. 2. Fasc. controv. Ethic.* Amicitia enim, ut ait *Piccolomineus* *qu. 7. c. I.* *ex Arist. 8. Nichom.* Aut virtus est vel cum virtute copulata. Atq; ita manet haud absurdè & non incompetenter etiam in Ethicis, si non directè tamen consequenter & appendicis loco, de Amicitia tractandum esse.

4. Verum ut & hæc quæstio, & sequentia dexterius adhuc percipiuntur; initio ritè notandum venit quid nomine seu voce Amicitiae intelligatur; siquidem inter πολὺσημα est, & pluribus modis accipitur. Nunc enim Latissimè sumitur, pro quâvis rerum na-

## Bb 2 tura-

*pro condicibus finis sibi obtinendum  
deinde fratribus agitur in dispensatione a legge  
sed subi virtutis & condicis p. o. d. t. t.  
ste. clara; min. ya sola vobis coni*

turalium etiam inanimatarum, vel vegetantium solummodo vitam viventium, congruentia seu mutua complacentia & benigna inclinatione; alias amor Naturalis, Physicis & Græcis συμπαθεια dicitur; qualis est inter magnetem & ferrum; resinam & paleas; oleam & vitem atq; similia: Nunc Latè pro societatis appetitu inter bruta; Itā Poëta Græcus inquit,  
 Τέρτιξ μέν τέρτιη φίλος, μυρμανή  
 δὲ μύρμαξ.

Nunc Strictè pro mutua benevolentia inter homines sive sint boni, sive mali; ita Mundus in sacris amare dicitur quod suum est. Nunc Strictissimè pro mutua benevolentia arctissimoq; amoris vinculo inter bonos, ex virtute dependente. Et hæc postrema significatio hic potissimum attenditur.

5. Amicitia igitur quæ latinis ab amando, ut Græcis φιλια απὸ τῷ φιλεῖν, Svetice Wanskap à Wan (quod non

non tantum amicum sed etiam formosum amabilemque significat) derivatur: In strictâ, non strictissimâ, acceptione definiri potest, quod sit: *Mutua inter homines efficax & manifesta benevolentia.*

De strictissimâ autem acceptione capienda videtur Definitio Piccolominei grad.

7. cap. 3. ad finem, quae sic habet: *A-  
amicitia est proborum hominum mutuus, con-  
spicuus, confirmatusq; amor, ex probitatis & th-  
cognitione consurgens, ad vita honestæ con-  
junctionem perducens.* Ubi etiam Platoni, Ciceronis, & D. Augustini definitio-  
nes videsis.

6. Dividitur Amicitia ab Ethi-  
cis variè; idque; i. Ratione causæ externæ  
impellentis seu Objecti: Quod cū in tripli-  
ci sit differentia, amicitia etiam triplex  
oritur. Aut enim solius honestatis gra-  
tiâ colitur, & *καρ' ἐξωχήν*, honesta dici-  
tur; Aut propter oblectationem ali-  
quam brevi transeuntem initur, & *Ami-  
citia jucunda* vocatur; qualis inter juve-

390 D. MICHAELIS Glycenstalpes,  
nes & Adolescentes frequentior: Aut  
ob externum lucrum, quo provection  
ætas magis delectatur, inita; & Utilis ami-  
citia appellatur.

7. Hic quæritur z. Quænam  
harum specierum Amicitiæ præferen-  
da? Pro Utili Amicitiâ sic argumenta-  
ri licet 1. *Quod Utilissimum, illud optimū;*  
*sed utilis amicitia inter conspecies est utilissi-*  
*ma, E. & optima;* Et per Consequens  
præferenda. Major probatur siquidem  
ex utilitate rei bonitatem metiri com-  
munitèr solemus; tanti rem facientes  
quamlibet, quanti ejusdem est usus.  
Minor stabilitur ex ipsâ denominatio-  
ne. *Dici enim requirit inesse.* Et hæc  
amicitiæ species ναρ εξωχην utilis di-  
citur. Ergò utilitate cæteros antecel-  
lit. 2. *Quod in amicitiâ, à gravissimis au-*  
*thoribus præcipue commendatur, id potissi-*  
*mum in amicitiâ eminet & præferendum:*  
*Sed utilitas in amicitiâ à gravissimis authori-*  
*bis præcipue commendatur E. utilitas in*

ami-

amicitiâ præcipuè eminet, atq; ita utilis amicitia cæteris speciebus præferenda erit. *Major* est clara, siquidem à Testimonio, ctsi non adeò artificialiter, firmiter tamen arguimus affirmativè. *Minor* innititur cum aliis tum hisce: *Socrates*, Nullam possessionem fideli amico præciosorem esse dixit, nec aliundè plus fructus capi aut utilitatis. *Dion: Philosoph.* Quot amicos paraveris, tot oculos habes, quibus, quæ voleas, videas; Tot aures, quibus quæ decet, audias: Tot consilia, quibus de futuris deliberes. Item ubi amici ibi opes, inquit Plautus, Huc facit illud *Alexandri* qui interrogatus ubi Thesauros haberet suos? Amicos digito monstravit. Et Micipse apud *Salust.* Non exercitus, neq; Thesauri regni præsidia sunt, verum amici. Et similia quam plurima:

8. Pro Fucundâ Amicitia sic pugnari potest: Id est præferendum quod humane naturæ aptissimum, gratissimum & beatitudini proximum est: Atqui Amicitia

jucunda humanæ naturæ aptissima, gratissima & beatitudini proxima est. E. cæteris speciebus præferenda. Major, suo robore invicta, probationis non eget. Minor etiam sat firma videtur, Ecquid enim humanæ naturæ congruentius, quam jucundâ Amicorum conversatione frui? Quid acceptius homini quam jucundos habere convictores, qui quotidiè exhibilarent & recreent? quid beatitudini ac felicitati vicinus, quam exoptatissimorum amicorum cohabitatione fruisci?

9. Hisce tamen à neutrâ, tercia species amicitiæ, quæ honesta, alias perfecta, audit vincitur; huic enim palmarum meritò deferendam judico. 1. Quia, qualis causa, talis effectus, & qualis fons ac scaturigo talis rivus; At Causa & scaturigo hujus speciei ipsa virtus est, teste Cic. in Lælio; Virtus conciliat amicitias & conservat. Item, 2. vera Amicitia non nisi inter bonos esse potest. E. ea amicitia quæ

quæ est stabilior, firmior ac diuturnior, ea procul dubio est præstantior : Sed honesta Amicitia est stabilior, firmior atque diuturnior; E. Major sibi satis constat : Minor hinc patet ; nam utilis amicitia ex utilitate, quam amicus præstat, dependet. Quamque facile autem fieri potest ut qui hodiè utilis sit, cras nullum usum aut utilitatem ferat aut ferre possit. Ita qui nunc ob pulchritudinem, hilaritatem &c. Jucundus, facile ob contrarium, vel aliquod impedimentum, sublatâ formositate, oborto dolore, nullam Jucunditatem præstet. 3.

*Quæ species & proprium bonum habet, & reliquarum conspecierum bona continet ; Illa est omnium nobilissima.* Sed honesta amicitia, & proprium bonum habet scilicet honestatem, & reliquarum bona includit; scilicet utilitatem & jucunditatem: Quid enim honesto amico in virtute correspondenti, utilius? quid jucundius? E. honesta amicitia cæteris conspeciebus nobilitate præstet,

IO. Ad Argumenta superius  
in contrarium adducta Respond. in  
Thesi 7. quæ pro utili amicitiâ addu-  
cuntur, de eâ utilitate exaudienda esse  
quæ honestatem non excludit, Aliâs n.  
quæ cum hâc pugnant, ne utilia qui-  
dem dicenda sunt. Ut pulchrè Cic. in  
princip. lib. 2. *de Officiis* differit. Unde  
nec aliam amicitiam graves authores  
laudârunt, aut utilem statuerunt, quâm  
quæ honestatem intimè conjunctam,  
imò pro fundamento, habet.

II. Quæ in Thes. 8. jucundæ  
amicitiæ primas deferunt, eodem mo-  
do intelligenda veniunt: Viro scilicet  
bono & virtuoso nil jucundum esse,  
quin idem etiam honestum sit, Neq;  
enim verus Philosophus ullam ex ullius  
conservatione aut amicitiâ voluptatem  
percipit, nisi quæ honestate nititur &  
conditur. Atq; sic patet honestam a-  
amicitiam cæteris omnibus præferendā  
esse speciebus; & propter hanc, etiam  
iliam

illam admitti, licetè ambiri, in honore & precio haberri. Ideoq; & hæc sola perfecta dici consuevit, reliquæ imperfectæ.

12. Dispescitur 2. Amicitia ratione subjectorum inter quos exercetur; ut alia sit æqualis; sive æqualium, conditione & dignitate; Alia inæqualis, seu *inæqualium*, è contra; qualis inter divitem & pauperem, Magistratum & subditum, nobilem & ignobilem. Quamvis enim ut canit Poëta.

*Non bene inæquales veniant ad aratra  
juvenci;*

Ideoq; inæqualium amicitia non semper tuta, commoda & diurna. *Syr. 13.* Inter inæquales tamen veram dari amicitiam; imò eandem in societate humana requiri, ut nisi vigeat nec *Oeconomia*, nec *Respub.* diurnæ & firmæ esse queant. Non diffitendum tamen observantiam, reverentiam, amorem, concordiam, pietatem, potius & accuratiùs dici: Ut etiā notavit *Piccol. grad. 3. c. 1.*

13. Distribuitur enim 3, etiam amicitia à Causà προγγένερη in voluntariam, quæ liberâ electione suscipitur & innititur; atq; in necessariam, quæ necessitatis quodam vinculo continetur atq; dependet. Talis est inter eos qui non ex arbitratu ac delectu amicitiam exercent, sed societatis quodam jure conglutinantur sive *naturali*, ut inter parentes & liberos, consanguineos & cognatos: Sive *Politico*, inter Magistratus & subditos. Quanquam, uti jam ex Piccol. positum, amicitia propriissimè dicta, conjunctio sit animorum inter æquales, atq; sic inter pares tantummodo locum habeat. Sed nunc quæstiones aliquot, quæ se hîc de amicitiâ & amicis magno offerunt numero, breviter expendendæ.

14. Quæritur 1. Anne ad amicitiam necessaria sit conversatio, vel num etiam inter absentes locum habere possit?  
Respond. Repetendo distinctionem

inter

+ Utiliss.

inter amicitiam jucundam, & Honestam: (*August. lib. de amicitia*, primam carnalem ex voluptate ortam, secundam mundanam ex utili, tertiam spiritualem ex honesto indigit) postrema, quia jure optimo & vera amicitia nominanda, etiam inter absentes quin esse possit, vix dubitandum: Siquidem arctissima & in virtute fundata sàpè inter longè dissitos amicitia invenitur; Secunda, scilicet *Utilis*, non tam facilè inter absentes exercetur, nisi quatenus & illi in disjunctis locis sibi invicem commoda præstare & ex usu esse poterunt. *Jucunda* verò sublatâ conversatione paulatim & citius evanescit. Nec diu durat, uisi quatenus cum honestate, cuius premium perpetuum, conjuncta est.

15. Oggeri tamen potest, etiam ad honestam amicitiam conciliandam amicorum præsentiam requiri; cum sine illâ virtus utrinq; perspici & probari nequeat; quæ hujus fundamentum.

Resp.

Respond. Virtutis faciem non corporis oculis cerni; Ideoq; etiam non dubia famâ cognosci posse, proinde quoque inter eos qui se invicem nunquam viderunt propter virtutes utrinq; claras, arctissimam vel per literas & inter nuncios sæpè contrahi amicitiam; Quod exempla non pauca satis edocent.

#### 16. De numero Amicorum

2. quæritur, *Quantus is esse possit & meritò debeat?* Respond. Quanquam multis simul prodesse & gratificari, propter diversa hominum vota, longè difficillimum sit: Unde & Plutarchus in lib. de multitudine amicorum non insciè dixit: *Copiam amicorum parere inopiam eorundem.* Quatenus tamen omnia ad honestatem referenda, in quâ plures viri boni optimè conspirare poterunt; plures etiam amicitiam firmam inire prorsus non impossibile statuendum. Arctissimam nihilominus inter pauciores & præsertim duos vigere non diffi-

ten-

tendum. Hinc illud *Seneca*; *Benignus est o cunctis, blandus nemini, paucis familiaris.* Multitudo enim divisionem aliquam communiter secum trahit.

17. Quæri solet 3. Qualiter Principum & Magnatum amici se gerere debeant? Sed eum hic per principum amicos ipsi intelligentur consiliarii, isthæc informatio ad *Politicos* potius rei scienda; De quâ Disp. Polit. 7. mā fol. 227. & 228. breviter actum. Alias amicitia Regum & Principum, quatenus & illi conditione pares, ijsdem judicatur legibus, quibus & privatorum. Ut nimirum optimè sibi invicem cupiant; Comoda invicem promoveant, amicum non secus ac se ipsos diligant.

18. An verò Amicus amico maxima bona optare debeat? 4. In dubium vocat Aristot. Quod sic negat: Si altarius conditio nimis exaltetur, amicitia facile disrumpetur. At verò Christianâ Charitate imbuti, etiam maxima quæq;

quæq; bona optanda: Et verum amicum ad quemcunq; gradum evectus fuerit, pristinæ amicitiæ non oblivisci haud dubitant. Politicè tamen potentiorum amicitiam, ut leoninam, formidolosam nonnunquam esse vix negandum.

19. In quæstionem etiam venit §. Utrum præstantius sit amare quam amari? Resp. Quanquam Amare, ut actio, præstantius sit, cum omnis virtutis laus in actione consistat Teste Cic. 3. off. Quatenus tamen Amari ob virtutem & merita (ubi de honesto amore sermo est) contingit, amari quam amare laudabilius & præstantius esse tenendum. Amare enim quilibet potest; amari tantum ijs, ~~contingit~~ qui denis amorem ritè excitantibus instructi sunt contingit. Nihilominus tamen & hic observandum, si is solùm intelligatur amor qui cum maturo fit judicio & Prudentiâ; Non minus laudabile esse amare, quam

ama-

amari. Quo sensu Seneca dixit: *Solus sapiens scit amare, solus sapiens est amicus.*

20. Solet h̄ic etiam quæri 6.

*An beneficium & gratia referenda utilitate accipientis, an beneficentiā, sumptu, labore atq; operā dantis æstimandum sit & metiens dum?* Item 7. *An qui beneficium dat, an qui accipit, æstimare idem debeat?* Nec non 8. *Quanti beneficiarius acceptum beneficium pendere debeat?* Sed hæ quæstiones ad Materiam de Liberalitate & Beneficentiā potius spectare videntur. Respondeatur tamen breviter ad illam: Utriusq; & dantis, & accipientis esse beneficium suo modo æstimare. Animus interim dantis potissimum attenditur; prout supra de liberalitate decisum. *Ad istam;* pariter: Accipienti tamen æstimationem ex merâ liberalitate dantes relinquere videntur. Cum nullam retributionem paciscantur, aliâs enim liberalitas non est. Alia verò beneficia, ut in mutuo aliove auxi-

402. D. MICHAELIS GYLDENSTALPES  
lio aliter se habent. Nam talia & à  
collocante & accipiente, suo modo æ-  
stimantur. Hujus potius est exagge-  
rare, & deprædicare; Illius extenua-  
re & excusare, modestè tamen. *Ad*  
*hanc;* Quanti beneficium tum erat,  
cum in indigentem collatum fuit: Non  
quanti antea vel postmodum videri  
possit. Plura apud Heiderum legantur  
*Philos.* *Moral. part. secundâ de Amicitiâ.*

21. Ut & illa quæstio 9. U-  
trum potius amico, an viro bono, cum quo  
alias nulla necessitudo vel Amicitiae vincu-  
lum intercesserat, succurrendum sit? Ad  
Justitiam referenda videtur, & ex ejus  
legibus decidenda; Quæ suum cuiq;  
tribuere mandat. Amici tamen po-  
tiorem & prius habendam rationem,  
haud absurdè concludi videtur; siqui-  
dem & ille vir bonus. Sed copiosius  
etiam de hâc Wolfgangus Heiderus cit.  
lo-  
co ex Arist. generatim & speciatim re-  
spondet. Summatim autem notan-  
dum & hîc ut in aliis actionibus, omne  
punctum

punctum circumstantias ferre. Ideo-  
què diligentissimè observandas. Ne  
prætextu amicitiæ humanitatem exua-  
mus; Vel è contra.

22. Movetur quoq; quæstio  
10. Anne etiam in amicitiâ sive inter amicos  
lites aut dissidia ulla locum habere queant?  
Neg. Dist. inter veram amicitiam & fas-  
catam, sive non veram & analogam.  
Ibi nulla dissidia, nullæ lites, nulla jur-  
gia. Hic verò, ubi propter lucrum vel  
oblectationem tantum frivolâ amicitia  
contracta est, interruptione aliquâ fa-  
ctâ Commodi vel jucundi, amicitia simul  
interturbatur, & in contentionem atq;  
inimicitias vertitur.

23. Sed obijci potest: idem  
etiam in verâ amicitiâ contingere. Nimi-  
rum ubi amicitia in virtute fundatur, &  
propter honestatem mutuus est amor. Ec-  
quis enim hominum non aliquando  
delinquit? Et sic cum delinquens re-  
prehenditur & carpitur, iugium fit atq;

diffidium. Amicum enim peccantem reprehendere, non est contra amicitiae leges; Sed potius veri amici officium atq; indicium. Ideoq; etiam hic iur-gia & discordiae locum habent. Resp. Tritum est illud: *Amici vitia noveris non oderis.* Verius autem; vitia oderis, non hominem. Amicum igitur amicè monere; modestè etiam reprehendere, sine felle tamen & acerbitate, contra amicitiam non est. Neq; à vi-ro bono & vero amico id in sequiorem partem acceptatur, ne dum iur-gia consit. Sed potius gratiarum actionem meretur & fiduciam auget prout suprà Disp. 10. Thes. 28. est declaratum. Causam insuper diversitatis non ineleganter assignat *Casus in Speculo Moralium Quest: lib. 8. cap. 13. in fine.* Hisce verbis: *Inter perfectos amicos non contingunt dissensiones, propter similitudinem morum, consensum virtutis, constantiam & proportionem amoris; Fructum quietis, quæ est*

effe-

effectus veræ amicitiae. In amicitiis propter voluptatem & utilitatem cause contrariae sunt, ideoq; perpetuae criminationes & querelæ. Nam hic non est similitudo morum sine tædio, non est consensio virtutis sine vitio, non est constantia amoris sine levitate, non est fructus quietis sine contentionem.

24. Hisce affinis est & illa quæstio II. An iræ amantium amoris redintegratio sint? Ut tritum illud Terentij habet. Resp. Ex Picol. grad. 7. cap. 21. Verum esse de irâ ex levi causâ subortâ. Et insuper de amore lascivo (quem quoq; Poëta innuit) solum quarerente voluptatem; in quo amore querelarum & iræ variæ locum habent occasiones; à quibus indignationibus cum èa quis voluptate privatur, quam summopere optarat, inquit, evenit ut ob indigenitiam vehementius in eam feratur, dulciusq; illâ fruatur: non secus ac dum aliquando tenemur, ne aërem inspire.

406 D. MICHAELIS Gyllenstalpes  
mus, mox vehementius illum ducimus  
ac anhelamus. At in amore ad ami-  
citiam pertinente, querelæ locum non  
habent (ut jam ostensum) solum hoc  
experimur; quod dum amici consve-  
Ntudine per dies aliquot privamur, mox  
dulcius eâ fruimur. Privatio enim ea  
est per quam possessio rerum nobis redi-  
ditur dulcior & jucundior. Hæc ille:  
Dementium verò est illa assertio. Non  
iniri firmam amicitiam, priusquam i-  
nimicitias aliquando acerbas gesserint,  
& vires in confictu invicem experti  
sint.

25. *An verò amicum plus quam se ipsum diligere oporteat?* 12. Etiam quæri solet: Hic in primis præsupponitur, licitum esse se ipsum diligere; at moderate & secundum Deum, suaq; commoda licet promovere, juxta illud Apostoli ad Eph. 5. vers. 29. Οὐδὲς γὰρ πὸτε τὴν ἐαυτῆς σὰρκα ἐμισησεν; ἀλλ' ἐκτρέψει καὶ θάλπει αὐτήν. i. e. Nullus

lus enim unquā suam ipsius carnem odio has  
buit; imò nutrit ac foveat eam. De quo  
Piccol. cit. grad. 7. c. 21. & sequent.  
Dehinc Respond: ad quæsitum: amo-  
rem tum esse perfectum & amicitiam  
sufficientem, cum talis est qualem Deus  
in verbo suo S. Sancto requirit. Jam  
autem id solum exigit, ut proximum si-  
cum nos ipsos diligamus. Matth. 22. v.

40. Marc. 12. 31. Luc. 10. v. 27. Ergò  
amor in amicitiâ tantus sufficere vide-  
tur, quanto nos ipsos prosequimur.  
Quod verò interdum amor in amicitiâ  
eò ascendat, ut propriam salutem ami-  
corum saluti postponamus, ut cum quis  
pro uxore, liberis, fratribus aliisq; ami-  
cis & ipsâ patriâ, vitam profundere &  
quævis pericula adire non dubitat: Id  
heroicum potius ac à certis circum-  
stantiis dependens, summas laudes me-  
retur, atq; specimen fortitudinis osten-  
dit.

26. Quæritur tandem 13. An

amicitiæ honestè dissolvantur? Respond. Distinctè. Aut enim gluten veræ amicitiæ, *virtus*, permanet, actum amicitias dissuere non decet: Aut alterius amicorum à tramite virtutis desciscit; nec emendationem, licet subinde tenitatem, admittit: Quo casu amicitiæ honestè renunciatur. *Nec cum improbis jugum trahamus.* Et potissimum gravis causa est disrumpendi amicitiæ vinculi, si amicus vel familiarissimus aliquid in honestum petat, utpotè fallere, mentiri, luxuriari, adulterium, furtum, homicidium, &c. committere. Hic enim elegans illud Periclis succurret: Oportet me adesse amicis usq; ad aras. Nam cum amicus eum rogaret (Scribit Aul. Gell. lib. 1. cap. 3.) ut pro re causaq; ejus falsum dejeraret, his ad eum verbis usus est: Δεῖ μὲ συμπράττειν τοῖς φίλοις αὐλαὶ μένει Θεῶν. Quin igitur amicitiæ in tali casu honestè dissolvi ab insonti parte possint vix dubitandum.

Quam-

Quamvis etiam aliás propter locorum distantiam inæqualitatemq; conditio-  
nis, supervenientem, amicitiæ exerci-  
tium non parùm labefactetur atq; in-  
umbretur.

27. Ultimò etiam & 14. Quæ-  
rere libet; Anne mutatâ fortunâ, ami-  
cita profsus intereat? Notum quidem  
& tritum illud Ovidij,

*Donec eris felix multos numerabis  
amicos;*

*Tempora si fuerint nubila solus  
eris.*

Et iterū: *Horrea formicæ nunquam ad ina-  
nia tendunt;*

*Nullus ad amissas ibit amicus  
opes.*

Unde plerumq; ita contingit; mutata  
forte, mutantur amici. Id tamen in ve-  
rà amicitiâ non fieri certum habemus.  
Fortunæ enim permutatio experimen-  
tum est veræ amicitiæ. Ut pulchrè scri-  
bit Piccol. grad. 7. cap. 26. Dum enim

C e s                    in

in utrâq; fortunâ firmiter servatur amicitia, veram & infucatam amicitiam fuisse ab initio recte judicatur. Sin minus, adulationem potius, quam verum amorem fuisse coniicitur. Quamvis enim conditionis imparitas, locorum què distantia æqualem & quotidianam conversationem ac amicitiam non admittat sed impedit; Omnem tñ. prorsus non tollit atq; extirpat. Absens enim absenti benè cupere, benè comprecari, consentire, compatiri, imò & benefacere nonnunquam potest; quæ præcipua sunt amicorum officia. *Superior* ad sublimiorem conditionem erectus, inferiori favere, ejus commodis invigilare ac patrocinari potest: Sic què benevolentiam & beneficentiam exercere. *Inferior* & tenuioris sortis, superiorem venerari, honorare, colere, magni facere, laudare, atq; vel ita amicitiam, si ulla unquam vera extiterit, continuare in proclivi erit.

28. Atq; hæc de AMICITIA,  
 hæc vice posita sufficiant: Quam *Em-*  
*pedocles*, antiquus Philosophus, Primū  
 rerum principium statuit. Ut *Hesio-*  
*dus* amorem primo chaoti inspiratum  
 tradidit. Et *Piccol. grad. 7. cap: fin.* ami-  
 citiam boni quandam fœcunditatem,  
 ex solo Dei Omnipotentis amore ma-  
 nasse universum, suā perfectione dona-  
 tū, cunctaq; latenti quodā & admirabi-  
 li amoris nodo fuisse ligata, inquit. Un-  
 de *Mundus* nihil aliud esse videtur, quām  
 rerum ordinata, amoreq; colligata compages.  
 Proinde non injuriā *Aristot: majorem in*  
*Repub: amicitiæ quām justitiæ necessitatem*  
*esse dixit.* Si enim illa vigeat hujus  
 non futurum adeo magnum usum, liti-  
 bus scilicet ac jurgijs deficientibus. Sub-  
 latā verò amicitiā & dissidiis ubiq; vi-  
 gentibus, nulla unquam justitiæ admi-  
 nistratio ab homine sufficienter adhi-  
 beri possit. O igitur felix hominum ge-  
 nus, ut *Boëtius* canit, si vestros animos a-

412 D. MICHAELIS Gyllenstalpē  
mor, quo Cœlum regitur, regat. E contra; ô miserrimos inter quos juges ini-  
micitiae i. e. Manifesta & mutua male-  
volentia, invidia, nocendi cupiditas  
&c. frequentantur. Quæ ut Diabolum  
authorem atq; parentem agnoscunt;  
ita amicitia, concordia, juvandi exhi-  
larandiq; studium DEO & sanctis An-  
gelis familiare ab omnibus piis colitur,  
& in perpetuas æternitates continua-  
bitur, Amen..

## COROLLARIA.

### I.

**C**ommódum & legítimum amoris  
remedium, non erat quod Antoninus pi-  
us imp. pro compescendo astu filiae adhibuit.  
Pet. Crinitus lib. 2. de honestâ disciplinâ casum sic refert: Faustina Anto-  
nini Pij Imperatoris filia gladiatori amore  
nimio tabesceret, tum Imp: consultis Chal-  
deis & Mathematicis decrevit, ut occiso gla-  
dia-

diatore, quem illa maximè deperibat, ejusdem crux epoto se sublevaret. Quo factō Faustina amoris contagio liberata fuit. Hoc, inquam, remedium pium, bonum & legitimū non fuit; utcunq; alias bonus & pius imperator. Nimium quippe violentum & parti insonti noxiū; atq; sic honestate caruit. Cum illa potius severis admonitionibus, inediā & refrigerationibus, aliisq; castigationibus, & loci separatione honestius curari potuisset.

2. Qui semel fuit amicus utcunq; dissolvatur amicitia, non est eo loco habendus ac si nunquam fuisset. *Nisi* enorme flagitium aliud suadeat. Honestas enim & publica utilitas omni amicitiae vinculo jure venit anteponenda. Conf. Cic, Læl.

3. Contraria seu opposita amicitia

tie, quatenus virtuti affinis est, sunt *νολα-*  
*χεία*, seu adulatio & assentatio in Excessu;  
*ἀγριωτης*, rusticitas seu morositas in de-  
 fectu, qua ad omnem amicitiae usum ineptos  
 reddit. Aspasio in explanatione Cap. I.  
 l. 8. Eth. Nicom. Et Magirus eodem  
 loco.

## PARERGON.

**L**Eges VVestgothorum in re-  
 rum naturâ extant. Stultum vi-  
 deretur id quod in archivo Regni  
 asservatur, multorumq; manibus  
 teritur, in rerum naturâ dari, argu-  
 mentis probatum ire. Nisi D. Ol.  
 Worm. Prof. Hafniensis in notis ad  
 descr.: limit: inter Sveciam & Da-  
 niam Messenio insultans scripsisset:  
 1. Messenium Selandicas ll.s nequitèr per-  
 vertisse. 2. Et ll.s Westgotorum, ubi  
 in rerum naturâ extant, aut extiterint non.

dum

dum docuisse. At utroq; Messenium fasce levabo. 1. Westgotorum ll.s bona fide & pertinenter allegans, Selandicas nequit er pervertisse jure non dicitur; Atqui Messenius ex ll.bus Westg. titulo de Rege Konungz Belfar hæc verba allegans: *Dana Holmer är skipe i tre lote/ A een lot Uppsala Konung/ annan a Dana Konung/ Tridie lot a Noregz Konung.* Da är siämnå terrå war/ ta halt Dana Konung i besle Uppsala Konungz ån Noreg Konung i istad hans. Et bona fide vertit & pertinenter in spec. c. 2. citavit (inspectio ocularis probat) Ergo Selandicas ll.s nequit er non pervertit. *Quod erat demonstrandum.*

2. Leges VVestgothicas fuisse & jam esse firmant: primus legislator Lumber/ unde Lumbslagh dictæ, in ipso paganismo, ut series legiferorum ibidem habet: Gens cui latæ; ecclesiæ, territoria & limites aliaq; loca, & bona inibi recensita, variaq; exemplaria ad  
huc

huc extantia. Nec quicquam obstan-  
te; quod ll.s Regni Svec. (ut ait Wormius)  
publici juris factæ, ex particularibus singu-  
larum provinciarum excerptæ sint; Et nul-  
lum ibi harum vestigium. Quamvis e-  
nim jus commune ex particularibus  
legibus ante annos 216, compositum  
sit: Non ideo tamen leges particula-  
res omnes è circo naturæ sublatæ, ut  
non sint, licet usu non observentur.  
In communi autem jure & legisterio,  
non modò vestigia sed ipsissima ll.m  
Westgoticarum verba & phrases oc-  
currunt. Tit. de hæred. de Nupt: de  
fundis Torda Balfer &c. Quod cui-  
vis insipienti & intelligenti obvi-  
um est. Immerito igitur Messe-  
nius hoc loco tam acer-  
bè carpitur..

*Soli DEO Gloriæ.*



tissimo Adolescenti,

**DN. GREGORIO G. ARCTO-**  
**POLITANO;** Egregij Parentis filio; Musa-  
rum culturæ vitæq; sanctimonie frugaliter  
vacanti: Amico suo perdilecto: Reffond:  
**P**leridum decus, Exemplar pulchrum  
probitatis:

Virtutis raræ tu æmule gnate Patris.  
Felici ascendas cathedram mage sydere  
doctum,, (citiam.  
Defendens niveam promptus ami-  
Delicium Patris, Patriæ tu vive Minervæ  
Fax oritura, Deus provehat artis opes.

In felix omen peramanter apposuit

**ABRAHAM G. THAUVONIUS**  
Phsf. P.P.

**G**regorius vigili pervolvis Apollinis artes  
Curâ, Gregorij nomen & omen habes.  
Et veluti monstras clari sub Præsidis umbrâ  
Quo sit amicitia firma ineunda modo:  
Ingenii pergas sic plures gignere fatus,  
Crede mihi, Phæbi charus amicus eris.

*Honoris & amoris Ergò L Mq apposuit*  
Johan. Thuronis Kyroënsia  
S. R. Mtis Alum.

**O**Mnibus in vita, dulces placuere sodales:  
Conducit cunctis dulcis amicitia:  
Conducit senibus per amicas jungere dextrass.  
Cum juveni vegeto: namq; juvare valet.  
Conducit juveni, placitum componere fædus  
Cum senio gravibus: namq; monere sciunt.  
Gregori gratus senibus sis semper amicus.

Omnia fert ætas: emulus esto senum

Præstantiss. Dn. Gregorio Arctopo-  
litano de amicitia publicè dispu-  
tanti, sympathiotæ & amico suo  
properabat 17 Decemb. A. 1655.

*Abrahamus A. Ikalensis.*

---

**S**Ynceris fueras fateor syncerus amicis  
Egregius veræ cultor Amicitia  
Sic posthac voveo natiōs inglorius annos  
Exige, amicitias & tibi junge pares.

His paucis, Præstantissimo Dn. Resp. de  
Amicitia docte disputanti amico &  
fratri suavissimo valetudinarius  
gratulabatur.

Daniel Juslenius  
Al. Reg.

